

直孺公贊

堂堂胡公一世俊杰词润金玉忠贯日月抗节不回光
转三叶粹玉无瑕至刚不折赫赫圣君使臣以礼前席
亲贤虚怀下士说论屡闻嘉猷日起志合道同若石投
水宝扇宸翰颁自上方琅然凤舞宛若龙翔帝宠既渥
臣躬有光爰袭前匣子孙珍藏伊昔高宗师古崇儒野
老咏歌质而不谀一时之盛万代之謨君臣相得异世

同符

宋国子监祭酒徽猷阁学士杨时拜书

君明臣良唐虞伊周咸庆相得今睹胡公异世宠荣中
外载德仕历四朝功显三叶将相全才夷虜退避恢复
勋赫君嘉谋猷赐扇洒翰旌公辅国府叨御葬设奠建
坊旷古罕遇彰宋文墨七贤继志科甲承荫朝野莅治
宦谱啧啧义声长播永垂铭勒

宋嘉议大夫礼部侍郎孙覲拜书

附录文恭公宿传

公讳宿字武平登天圣进士第为扬子尉县大水民被溺率公私船活数千人历两浙运使召修起居注知制诰时唐介贬岭南遣中使护往公言介如不幸道死陛下受杀直臣之名帝悟为追还使者迁翰林学士公平生守道不以进退为意每语后进曰富贵贫贱莫不有命士人当修身俟时毋为造物者所嗤世以为名言又尝语同列曰宿以诚事主今白首矣不忍丝发欺君丧生平之节官至枢副使以太子少师致仕卒谥文恭子

宗炎从子宗愈宗回

附录文定公安国传

公字康侯建州人始祖瑜由豫章徙东京又自东京徙宗城自宗城徙合淝徙崇安之从籍里家焉父渊仁宋为宣奉郎致仕赠中大夫母吴氏永寿县吾赠令人公生於熙宁九月二十二日巳时少有夙慧入太学绍圣四年同直孺登进士第初拟状元及第将唱名宰执以策中无诋元祐语降第三除荆南教授迁博士提举湖北路学士宣和末除尚书员外郎靖康初除太常寺卿再迁起居郎累官给事中书舍人兼侍讲侍读知永州

复提举江州特进宝文阁直学士以绍兴八年四月十三日卒赠左朝议大夫娶李氏王氏皆封令人谥文定子三寅字明仲号致堂先生弟之子也公以己子官至奉议郎试书礼部侍郎徽猷阁直学士宁将仕郎迁祠部郎中宏字仁仲号五峰先生补承务郎公产崇安避地楚之南郡葬潭州湘潭龙穴山父子兄弟渊源理学出处大节史册炳如日月不复书

附录西川都统宰仲胡公传

余生也晚生平学术之进修躬行之砥砺得力於胡氏过半少从饶郡官舍奉父属曰胡宪刘勉其子翬三人学有渊源吾所敬畏当往事之遵而就学籍溪先生语默出处反躬践实日久油然有获此皆得於门内者也他如康侯致堂澹庵诸篇集凡所立言循天下之至当为百世之取衷诚哉经世大略传心要典师范在前朝夕乾乾无不足为身心益也虽然犹未也余生前一岁成进士有宰仲宠公焉生而颖异举止不常自幼至壮

籍溪先生余在门日语之甚悉甫六岁闻朝立八行取
士科乃问长者曰八云何因奇其问以八详训之乃又
曰生而为人如此八者不必读书便可服官矣七岁入
学日数行下读书一载卷集盈尺八岁又传朝以商霖
二字赐张尚书又问同学曰此独张能言之耶曰然遂
庸心天文经济诸书旁通淹贯凡二十年绍兴初获第
与张九同榜张公对策累言无隐不事顾忌谓祸乱之
作天所以开至人直陈之无不备胡公对策书陈所事
引古证今无不从学问出字字箴铭张之第所以次於

胡也绍兴五年尚书左右仆射并兼知枢密院事赵早
张俊交疏并三上荐授西川都统吴玠任宣抚使相坐
对恒谓经略中原关中为要经略关中西蜀为要经略
西蜀荆襄为要今吾二人岂能筹望他人经略我哉惟
期不失所经略关中而已勤劳王事尽瘁匪躬从千辛
万难中而弃其责富平之败金人专意图蜀微公总其
权玠当其冲无蜀久矣何能在在祸乱蜀晏如哉至十
一年病深韩公策驴携酒诸酋酌酒庆贺忠义陷奸党
起玠死而公孤感痛致仕捭攀莫已建祠而生祀焉归

里之次人孝之念继忠贞而生爰踵华林祭生莹坊顾
伯祖支裔游览至庠前下居以貽孙子又谋大而模广
然公虽离仕英灵在蜀永赫凡一兵之起一敌之迎无
不趋祠叩胡爷爷以护之二十二年虞允文与吴璘继
代兄玠同任蜀宣抚使人祠凜其洋洋如之像赞祝文
至今傅之公在里闻余资治通鉴纲目诚不艰跋涉造
予取览公之好学至老不倦也晤聚旬曰上色庄言刚
大为心了无惊忧状神定衷怡足令人钦淳熙庚子八
月公卒是时端坐呼子至前惟执春秋传一书以授之

他一无所遗公之子鉴泣赵哀请余传余亟欲传之奈
提举浙东常平茶监公事未即如请鉴请未续鉴亦若
忘所请也越十四年余知潭州事州父老颂歌令赞胡
公政教朝夕盈耳余骇而异之赞之先后夫岂无人何
独至今百十年来颂歌无二也及览所著军政要略暨
条则用兵总以仁爱为先其所顾恤有父母所未及其
所教训有师保所未详不必异彼颂歌百年也遂忆宰
仲公叙谈问云赞属其曾祖併当年提督潭州等事则
恒言盛德之后多名贤信不诬矣遂触鉴之前请不禁

快快而乐为之传公生崇宁癸未七月五日寅歿淳熙
庚子八月九日申享年七十有八绍兴二年进士豫章
乾封人绍熙癸丑秋知潭州事

朱 熹谨撰

昆陵原洁公谥忠安传

公讳湊字原洁建文二年进士为兵科给事中永乐元年陞都给事中户科时传建文君崩或云逊去诸旧臣多从建文君云者 上益疑大索建文君诸臣遣公巡天下名访张儼偁又名颁书偏行郡县察人心及建文君安在时又传建文君在贡南公以故在楚湖南最久十四年内艰起为礼部右侍郎明年巡江浙祭其始祖之墓於南昌二十一年巡均襄还朝会 上驻宣府公驰夜上谒 上已就寢闻公至被衣急起召入劳公赐

坐与语公言不足虑也先公未至传言建文君蹈海去
上分遣内臣郑和数辈海下西洋至是 上疑始释太
子监国藩王谋夺适造飞语 上命公往察密疏闻公
具述监国七事言太子诚敬孝谨元他太子即位转太
子宾客兼祭酒南京未几阅宫中密疏见述七事大喜
谓公忠慎朕不及知也俄崩景陵即位复召为侍郎礼
部兼太子宾客会公来朝留行在礼部宣德元年进尚
书二年赐第给阁三年赐文公世家清和恭靖二银章
是秋扈驾出会州明年夏再扈巡边没常豪人田宅尽

赐公寻兼詹事六年兼领行在户部事公有才猷深厚
不泄礼典财赋经书有章国家大议与诸阁老商可否
必执正论景陵常曲宴公及西杨蹇夏曰海内无虞四
卿力也裕陵即位益礼敬公元年失行在礼部印自劾
上不问改给行礼部印九年疏引年不允十四年北往
留守京师廷议迎 上皇时王文厉色曰孰谓虏可和
彼不索金帛且索土地忧方大耳众相顾不敢言于少
保徐曰防变方略我与总戎责也俄旅退赖公有定执
竟上奉迎仪注景泰元年杨善使虏潞言 上皇蒙尘

已久宜即附善等进上服食不报又请明年正旦朝
上皇于延安门不许二年灾异乞归不允与南昌宗人
应麟合谱于京师三年以太子太傅加少傅怀献太子
立进兼太子太师是年十一月己巳 上皇万寿节公
乞定百官拜贺于延安门不许六月疾作又明年 上
皇复位力疾人一见请老去遗子长宁来谢 上念公
疏屡请令百官朝廷安门忠愍授长宁官锦衣世镇抚
卒年八十九谥忠安公平易宽和廉静立朝几六十年
十知礼部贡举未尝疾言遽色人皆知为君子长者
太子宾客国子监祭酒兼翰林院侍讲学士俨撰